



Maryland Coalition for Justice & Police Accountability

Garanti Pouvwa Envestigasyon Endepandan pou Komisyon Kontwòl Polis

BILLS SB 621 / HB 533

KONTÈKS

An 2021, Asanble Jeneral la te adopte Lwa sou Responsabilite Polis Maryland nan. Pami lòt dispozisyon, pwojè lwa te oblije tout 23 konte Maryland yo ak Vil Baltimore pou fòme yon nouvo òganis siveyans polis kominotè ki rele Konsèy Responsabilite Polis (Police Accountability Boards, PAB). Objektif Konsèy sa yo se pou asire yon kontwòl ekstèn kominote a kontwòle sou pwosedi disiplin entèn polis la.

Yon gwo pati nan enplemantasyon an te rete sou responsabilite jiridiksyon lokal yo, sa ki te pèmèt yo defini pouvwa ak pwosedi adisyonèl. Pami yo dwe genyen pouvwa investigasyon ak asiyasyon endepandan, ki se yon eleman esansyèl nan fason PAB ka ranpli fonksyon yo.

Toutfwa, malgre sipò enpòtan kominote a, menmsi rechèch ak pratik estanda

yo montre pouvwa investigasyon endepandan yo esansyèl pou konsèy siveyans kominotè yo, pyès PABs nan Maryland pa gen otorite sa nan moman.

Aktyèlman, Konsèy Responsabilite Polis yo ak Komisyon Administratif Akizasyon (ACC) baze inikman sou investigasyon entèn polis la lè y ap reyalize egzamen ak deside pou yo akize ou pa yon ofisyè. Pwoblèm prensipal la se lalwa eta pa klè kidonk jiridiksyon lokal yo ezite pou yo otorize PAB yo pouvwa sa yo. Toutfwa, san pouvwa investigasyon ak asiyasyon endepandan, PAB yo gravman limite nan kapasite pou yo aji reyèlman kòm yon konsèy kontwòl.

Se pou sa an 2024 nou pral sipòte yon pwojè lwa pou klarifye lwa ak pèmèt klèman jiridiksyon lokal yo bay PAB yo pouvwa investigasyon ak asiyasyon endepandan.



Photo Credit:
Mary Ella Jourdak

PAB Pa Kapab Ranpli Manda Yo San Pouwva Investigasyon Endepandan

Apèl pou siveyans kominotè fòs lòd la jwenn orijin li nan mouvman dwa sivik ak Black Power nan 1960 yo. Li anrasinen nan lide mwayen ki pi fasil pou lite kont dezimanizasyon Nwa ak Po fonsè yo se bay kominote a kapasite pou l enpoze konsekans ak sa yo ki ap koze mal ladan.¹

Pandan plizyè dizèn lane, kominote a travè Maryland t ap defann kontwòl kominotè pwosedi disiplin polis la an repons ak vyolans ak koripsyon pèsistan polis nan kominote yo. Revandikasyon sa enkli bay konsèy kontwòl kominotè yo otorite pou yo reyalize investigasyon endepandan.

Mefyans nan polis la alimante pa opinyon piblik popilè ki estime depatman polis yo pa responsabilize ase pou move konpòtman.² An 2021, Depatman Polis Konte Prince George la te regilyèman echwe pou reponn yon fason ki apwopriye ak plent asèlman rasyal entèn ak ekstèn, diskriminasyon ak move itilizasyon fòs.³

Anplis, yon investigasyon⁴ Depatman Jistis la te reyalize an 2016 nan Depatman Polis Baltimore la te revele BPD pa t sèlman dekouraje plent entèn ak ekstèn yo, men menm nan ka akizasyon move konpòtman,

plent yo te jije regilyèman "pa fonde" san okenn rezon. Sou 1382 akizasyon itilizasyon fòs eksèsif BPD resanse soti 2010 pou rive 2015, sèlman 31 akizasyon, oswa 2.2 pousan te valide. Selon evalyasyon DOJ, pwosedi investigasyon akizasyon sa yo te non sèlman jenan pou piblik men tou totalman pa apwopriye, sa ki pa t respekte pwòp politik depatman an ak estanda aplikasyon lalwa yo. Disiplin apwopriye yo te toujou ra.

Se pou sa Konsèy Responsabilite Polis yo dwe klèman jwenn otorizasyon pou mennen pwòp investigasyon pa yo, pou yo kapab founi yon evalyasyon presi de plent yo ak rezilta yo, ak pou evalye ak presizyon kalite investigasyon entèn yo.

Aprann plis sou
priyorite refòm lapolis
MCJPA pou Maryland,
ak sou plis pase 100
òganizasyon k ap rele
pou yo:
www.mcjpa.org

SOUS:

¹ <https://www.marylandmatters.org/2022/03/29/dayvon-love-baltimore-city-democrats-resist-community-oversight-of-law-enforcement/>

² <https://www.cato.org/survey-reports/policing-america-understanding-public-attitudes-toward-police-results-national>

³ <https://www.washlaw.org/unredacted-expert-analysis-of-prince-georges-police-department-filed-showing-discrimination-and-retaliation-against-black-and-brown-officers/>

⁴ <https://www.justice.gov/crt/file/883296/download>